

58 Trenché le ventre, naistra avec deux testes,  
Et quatre bras: quelques ans entier viura:  
Iour qui Alquilloye celebrera ses festes  
Foussan, Turin, chief Ferrare suyura.

*Exiles misérables*

59 Les exiles deportés dans les isles  
Au chāgement d'vng plus cruel monarque,  
Seront meurtrys: & mis deux des scintilles  
Qui de parler ne seront estés parques.

*Empereur infame Germanie*

60 Vn Empereur naistra pres d'Italie,  
Qui à l'Empire sera vendu bien cher,  
Diront avecques quels gens il se ralie  
Qu'on trouuera moins prince que boucher.

*Respublica Seneca infelix*

61 La republique miserable infelice  
Sera vastée du nouueau magistrat:  
Leur grand amas de l'exil malefice  
Fera Sueue raurir leur grand contract.

*Liberty iustitia*

62 La grande perte las que feront les letres:  
Auant le cicle de Latona parfaict,  
Feu, grand deluge plus par ignares sceptres  
Que de long siecle ne se verra refaict.

b iij